

Zastupnička inicijativa za Vladu Kantona Sarajevo

Na teritorij Bosne i Hercegovine, Kanton Sarajevo, dospile su izbjeglice iz Sirije, Iraka i dr zemalja. Izbjeglice borave pod otvorenim nebom, bez ikakve kontrole države, te ovom prilikom pokrećem inicijativu za Vladu KS da, po hitnom postupku:

1. Utvrde koji je broj migranata iz Sirije i Iraka, stigao u Kanton Sarajevo u posljednjih 60 dana
2. Da li borave u organizovanom smještaju i ako ne, da li Vlada KS, u saradnji sa općinama gdje izbjeglice borave, može za izbjeglice riješiti neku vrstu privremenog smještaja (uz smještaj osnovni pribor za higijenu, hranu kao i obezbjeđenje mjesta gdje borave)
3. Da Vlada KS izvrši popis lica koja se nalaze u Kantonu Sarajev te da, potom, o istom obavijeste nadležne više nivoe vlasti kako bi se dospijelim izbjeglicama organizovano pomoglo bilo upućivanjem u kolektivni centar ili slanjem u treće zemlje

Sarajevo je grad na klimavim nogama kada je u pitanju sigurnosna situacija. Smatram da boravak nekoliko stotina izbjeglica iz ovih zemalja, koji se slobodno kreću, leže po parkovima, pa čak dolazi i do incidenata, ne smije biti prepušteno stihiji već organi Kantona Sarajevo moraju hitno reagovati: MUP KS mora bezbjedonosno gledati na ovaj problem, Ministarstvo za socijalnu politiku preuzeti svoj dio problema, a smatram da i Ministarstvo zdravstva KS mora reagovati preko nadležnih institucija radi raznih mogućnosti zdravstvenih prijetnji koje mogu, a ne moraju, postojati. Na kraju Vlada KS bi trebala obavijestiti više organe o ovom problemu i izvijestiti ih o njegovoj sadržini i obimu.

Molim Vladu KS i nadležna ministarstva za hitnost i reakciju po ovom pitanju jer Kanton Sarajevo radi ovog problema može pretrpjeti ozbiljnu političku, sigurnosnu, zdravstvenu i ekonomsku štetu a, također, loše je da pokazujemo da cijeli sistem nije u stanju primiti i reagovati na stotinjak izbjeglih lica.

Semir Halilović

Sarajevo, 7.5.2018.